

دار الفنون

حقوق فائز علیہ السلام

مقوق ، افصاربات

ایکی آبدہ بر نشر اولنور

مندرجات

قسم مقوق :

اسویجره قانون مدنیسنه نظراً اجاره حاجی عادل
اوقاف مسئلہ سی رشید
اشخاص معنویہ نك غیر عقدی مسئولیتاری صدیق سامی
اسویجره قانون مدنیسنك منشأی و صورت تنظیم و مذاکرہ سی میشون وہ نظورہ

اسویچره قانون مدینسک منشائی و صورت تنظیم و مذاکره سی

مسعود انقلابک بلیخ برافاده سی اولان یکی قانون مدینمیزک مأخذی بولنان اسویچره قانون مدینسک منشائیه صورت تنظیمندن و مذاکره سنده تعقیب اولنان اصولدن بر نبذه بحث ایتمک فائده لی اولدیغنده شبهه یوقدر .

معلوم اولدیی اوزره اسویچره قانون مدینسی ، اسویچره هیئت متحده سنک قانون مدینسیدر . بو قانونک نشرندن اول اسویچره قانتونلرنده مختلف قانونلر جاری ایدی بونلردن فرانسه اسویچره سنده کی قانتونلرک قانونلری ، فرانسه قانون مدینسندن و آلمان اسویچره سنده کی بر قسم قانتونلرک قانونلری آوستریا قانون مدینسندن ملهم ایدی . بونلر میانده خصوصیتی و بویوک اهمیتی حائز اولان قانون ، شرقی اسویچره قانتونلری طرفندن عیناً و یا بعضی اوفاق تعدیلات ایله آلمان زوربح قانونی در . دیگر بعضی قانتونلرده روماحقوقیه جرمن حقوقی مزج ایتشلا ایدی . بوضورتله اهالیسی ایکی بچق ملیوندن عبارت بر مملکتده ، مختلف یکریمی بش قانون ایله بوقانونلره معارض مختلف محلی عادتلر جاری ایدی . اهالیتمک بر قانتوندن دیگر قانتونه صیق صیق نقل اقامت ایتملری و قانتونلر بیننده کی مدنی و تجاری معاملات و مناسباتک چوغالمسی ، مختلف قانونلر بیننده اختلاف تیکوننه بادی و بالنتیجه امنیت حقوقی مخل ایدی . بونک نتیجه سی اوله رق بالخاصه اسویچره نك تجاری و صناعی مرکز لرنده ، قانونلر بیننده کی اختلاف و مبايتلرک مملکته مضر اولدیی قناعتی تعمم ایدرک بوتون اسویچره مملکته عام وشامل بر قانونک تدوینی لزومی حس اولندی .

اول امرده قامیو معاملاتنه و تجارتنه متعلق عمومی قانونلرک تدوینه تشبث ایدلمش ایسه ده بوتشبت کندی قانونلرینک دیگر لرینه فائق اولدیی ادعاسنده بولنان بعضی قانتونلرک تمناعتلری یوزندن عقیم قالمشیدی . بالآخره ۱۸۷۲ قانون اساسیسی تعدیل ایدن ۱۸۸۴ تاریخی قانون اساسی نشر اولنه رق نکاح حق حکومت متحده نك تحت حمایه سنه وضع ایدلدیکی کبی اهلیت مدنییه ، تجارت و منقولات حقنده کی معاملاتنه ، ادبی و صناعی ملکیتنه اجرا طریقلریله افلاسه متعلق قانونلر وضعی ، هیئت متحده نك دائرة صلاحیتنه ادخال ایدلیدی .

اسویجره قانون مدنیسنک منشأی و صورت تنظیم و مذاکره سی ۱۲۰۳

بونک اوزرینه هیئت متحده ، قانون اساسیسنک بخش ایتدیکی بوصولیتلری استعمال ایدرک احوال مدنییه و نکاح و طلاقه دائر ۱۸۷۴ قانونی و ۱۸۷۶ تاریخنده تابعیت قانونی و ۱۸۸۱ تاریخنده اهلیت مدنییه متعلق بر قانون نشرایتدی . بونلرمیاننده اک بویوک اهمیت حائز اولان قانون ، ۱۸۸۱ تاریخی و جانب قانونیدر . بوقانون ، حقوقی و تجاری و جائی عینی احکامه تابع طوتدی . الیوم اسویجره ده ، سائر ملکیتلرده اولدینی کی تجاره مخصوص قانون موجود دکلدر . بونک باشلیجه سببی ، برصنف اشخاصه مخصوص قانون وضعنک ده موقراسی افیکارینه موافق عد ایدلمه مسیدر . اساساً اسویجره ده معارفک سائر یرلردن زیاده مترقی اولسی و فکر تجاریسنک بوتون خلق آره سنده تعمیم ایتسی ، معاملات تجارییه منعلق قواعدک بالجمله معاملاتیه تشمیلی فکرینک قبولی تسهیل ایتشدرد .

و جانب قانونی ، فرانسرجه آلمانجه ایتالیانجه اوله رق نشر ایدلمش و بونلرک اوچی ده اصل و عینی درجه ده معتبر عد ایدلمشدر .

و جانب قانوننک نشریه برابر قانتونلرده جاری قانونلر احکامنک بویکی قانون ایله تألیفی مقصدیه بعض احکام موقتیه وضع اولدی و بوضورتله و جانب قانوننک سهولتله تطبیقی تأمین اولندی . بالاآخره ادبی و صناعی ملکیتک حمایه سنه دائر قانونلر و ۱۸۸۹ تاریخنده اجرا و افلاس قانونی تدوین ایدلدی . اسویجره ده و جانب قانوننک نشریه بوتون حقوقک توحیدینه طوغری مهم برآدیم آتلمش اولیوردی ؛ بالاآخره حقوق مدنییه نیک دیکر ساحه لرده دخی توحیدی احتیاجی شدتله حس اولتمه باشلادی . فی الحقیقه ملکیتیه و احکام شخصیه و ارشییه متعلق مختلف قانتونلر بیتنده مهم اختلافلر و مباینتلر موجود ایدی .

مثلاً اموال غیر منقوله نیک تأمینات اوله رق ارانه سنه دائر مختلف یکرمی طقوز سیستم وار ایدی . بوسیستملر بیتنده کی فرقلرک پک آز قسمی محلی احتیاجانک تخالفیه ایضاح اولنه بیایردی . کذلک مختلف قانتونلر بیتنده کی اختلافانک ازاله سی مقصدیه قبول ایدیلان برقاعده یه کوره اقامتگاه قانونی ، محل تولد قانونیه ترجیحاً تطبیق اولدینی جهته براسویجره لی ، تولد ایتدیکی قانتوندن دیکر برقانونه اقامتگاهنی نقل ایتدیکی صورتده ، منسوب اولدینی قانتون قانونجه حائز اولدینی حقوقی ضایع ایدردی . مثلاً « برن » شهرنده متولد برزوج و زوجه اقامتگاهلرینی زورینجه نقل ایتدکاری تقدیرده بونلردن بری وفات ایدمک اولورسه دیکری « برن » ده حائز اولدینی حق وراثتدن محروم ایدی . کذلک غیر مشروع برچوجق

« برن » شەرىئە باباسى ئالەمىنە نىسبەت دەۋاسىنى اقامە ايدە بىلدىكى خالەدە بابانك بو دەۋادىن خلاص اولمىسى ايجون فرانسىز اسويچىرە سەنە نەقلى اقامت ايتىمى كافى ايدى .

ايشە اقامىكە قانۇننىك محل تولد قانۇننە ترجيحاً تطبيقىدن متولد حقىمىز لقلر عمومىك شكايىت وىتونىتىزلىكىنى دعوت ايدە رك يىكنىق بر قانۇننىك نىشرى احتياجى تشديد ايدى . ذاتاً و جانب قانۇننىك نىشرىلە اتحاد قانۇننىك فائىدەسى بالتجربة تحقيق ايتىشىدى . مع مافىه و جانب قانۇننىك قولايلىقلە قبول ايدىمىسى ، اساساً قانۇنلارك بوبادەكى احكام قانۇنىيەلرى بىتىندە پك اساسلى فرقلر موجود اولماسىدن نشأت ايتىشىدى . حالوكە نىكاح و وراثتە متعلق مواددە ، عرقى و اخلاقى اسبابدن متولد مەم و كىتىر فرقلر موجود ايدى ؛ بو سەببەلە بونلردن نشأت ايدىن اختلافلىر يالگىز حقوقى مەلىق حائز اولمايۇب عىفى زماندە عرق ، لسان ، عادات ، دىن اختلافلىرى ايدى . بىنا ئالەم جىرمنلرلە رومانلرلى و ايتاليا نلرلى قتولىكلرلە پروتىستانلرلى فرانسىز لسانىلە مىتكام اولانلرلە آلمانچە ويا ايتاليا نچە ويا رومانچە مىتكام بولانلرلى عىفى زماندە تەطمىن ايدە جك عمومى بر قانۇن ياقىمى غيرممكىن ظن ايدىمىشىدى . حقيقتە ايسە ذكر اولان قانۇن فرقلرى دها زىادە تصادفى اولوب عرق ، دىن و لسان فرقلرلە ايتضاح ايدىلە مىزدى .

اصل حقيقى اختلاف اسويچىرەدە فرانسىز و آلمان مدينىتلىرىنىك چارپىشمالىرىدن متولد ايدى . فقط قانۇنلارك متقابل مسادەكارلىقلرى بو اختلافك ازالەسىنى و قانۇن مدينىك توحيدى غايەنىك حصولنى تەسەيل ايتىدى ، بو خصوصىدەكى يىكانە مانع هيت مىتخەدەنىك عمومى قانۇن تدوينى صلاحيتك يوقارىدە تەعين ايدىلان مواد ايلە محدود اولمىسى ايدى . بونك ايجون اول امردە بو صلاحيتك توسيعى اقتضا ايدىيوردى . فقط قانۇنلردن بو صلاحيتك توسيعە موافقتلىرىنى ايسەمك ، تشرىعى استقلاللىرىدن وازچىملىرىنى ايسەمك ديمك ايدى .

اوزمان انكىشاف ايتىش اولان مىلى وحدت فكىرىنىك ، بو قدر مەم فداكارلىقى قبول ايتىدبرە جك درجەدە كسب قوت ايتدىكى شەبەلى كورنىيوردى . مع مافىه ۱۸۹۶ سەنەدە حكومات مىتخەدە مجلسنىك طلبى اوزرىنە بارلامتو ، قانۇن اساسىنىك بر مادەسىنى تەدلىل ايدرك هيت مىتخەدەنىك توحيد قوانين صلاحيتىنى بالجمه حقوق مدينىه موادىنە تشەمىلە قرار وىردى ؛

بو قرار ۱۳ تشرىن ثانى ۱۸۹۸ سەنەدە آراى عامەيە وضع ايدىلەرك تصديق اولندى . و بو صورتە بوتون اسويچىرە مملكتە تام و شامل بر قانۇن مدينىك تدوينى امكانى تامين اولندى .

قانۇن مدينىك ابتدائى پروژەسى ، اسويچىرەدە فوق العادە فضل و كالى و استقلال افىكارى ايلە اشهار ايدىن مدرس موسيو « اوزەن هوپر » ك اثرىدر .

اسویچره قانون مدینسک منشای و صورت تنظیم و مذاکره سی ۱۲۰۵

ابتدائی پروژہ نك تنظیمی بر قومیسون یرینه برذاته احواله ایتکدن مقصد، پروژہ نك وحدتی دها بدایتده تأمین ایتک وبو صورتله صاغلام بر اساسی موقع مناقشهیه وضع ایلک ایدی .

حقوخیلردن بعضاری بو طرز مساعی تی تنقید ایتدیلر ؛ بونلره کوره بویله مهم بر قانون پروژہ نك تنظیمی بر وبا بر قاچ حقوqشناسه احواله ایتزدن اول قانونك استناد ایده جکی عمومی اساسلری پارلامنتویه تصدیق ایتدیرمك منطق و احتیاطه دها موافق اولور . زیر ا تشکیل ایدیلان قومیسونك اوزون مدت و مساعیدن صکره تنظیم ایده جکی پروژہ نك اساسات نقطه نظرندن پارلامنتو طرفندن رد ایدلسی احتمالی موجوددر . نته کیم اسپانیاده ۱۸۸۹ قانون مدینسك نشرندن اول قورئس مجلسی معین بعض عمده لری قرارلشدیردی . وبعده قانون مدینك بو عمده لره کوره تنظیمی ایچون بر قومیسون تشکیله دایر حکومته صلاحیت ویردی . مع مافیه موسیو هوبرك ، شخصیت ممتازه سی سببیه پارلامنتونك مظاهر قبولی اولیه جق عمده لره استناد ایتیه جکی معلوم اولدییی ایچون منطق و احتیاطه موافق اولان مذکور اصولك ترکنده ضرر کورلمدی .

موسیو هوبر ، ایلک پروژہ سنه قطعی بر ماهیت ویرمزدن اول مختلف اقسامی وقت وقت حقوqشناسلردن مختلف مسلك اربابندن متشکل رسمی و غیر رسمی مجالسده موقع مناقشهیه وضع ایتدی و بوسایه ده صلاحیتدار برچوق کیمسه لرك رأیلرندن استفاده ایلدی ؛ مثلا اراضی ساجانه عائد فصل حقنده ، يك تجربه دیده بیلدیکی بر اراضی مأمورینك مطالعه سنه مراجعت ایتدیکی کبی فنی اقسام حقنده دخی بعض مهندسلرك وامور نافعہ مفتشلرینك رأیلرینی آلدی .

موسیو هوبرك ایلک پروژہ سی بو صورتله تکمل ایتدکدن صکره ، قانون مدینك احضاری مشغله سنه فضله بر علایت تأمین وبو صورتله خلقلک بو مشغلهیه علاقہ سی جلب ایتک مقصدیه ، عدلیه نظارتی بو ابتدائی پروژہ تی اعلان ایتدیکی کبی هرکسک بوبابده کی مطالعه و تمیلرینی درمیانده سر بسٹ اولدیغی و بومطالبات و تمیناتک آریجه تشکیل ایدیه جک بیوک بر قومیسون طرفندن نظر تدقیقه آله جغفی خلقه بیلدیردی . بونك اوزرینه ایلک پروژہ تی تدقیق وظیفه سیله مکلف اوتوز بر اعضا ایل طقوز نفر ارباب قندن متشکل بر قومیسون تشکیل اولندی . اوتوز بر اعضانك قسم اعظمی حقوqجی ، حاکم ، مدرس ویا مبعوث ایدی . بر قسم مبعوثانك قومیسونه ادخالندن مقصوده منسوب اولدقلری

تشریعی هیئتلرینک ایلریده قانونی قولایقله تصدیق ایتلمی اولدن تأمین ایدی . بوندن ماعدا عموم عمله اتحادی رئیس ، اسویچره کوییلری اتحادی واسه ویچره فنون و صنایع شرکتی ایله اسویچره تجارت و صنایع شرکتک کاتب عمومیلری ، وبرکاتب عدل برطاپو مأموری بریارخانه مدیری وایکی مهم بانکه مدیری قومیسونه داخل ایدیلر . قومیسونک بو صورتله مختلط اوله رق تشکیل ایدلسی ، مختلف مسالکک تمثیل ایدلسنی و بو صورتله او مسالکدن هر برینه عائد منافعلک لایقله مدافعہ سی ایله برابر مختلف مسالک منفعلرینک تألیفی تأمین مقصدینه مستند ایدی .

بو بویوک قومیسون ۱۹۰۱ سنه سی تشرین اولندن ۱۹۰۳ سنه قدره لوسرن ، نوشاتل ، زوریچ ، جنوره شهرلرنده مختلف اجتماعلر عقد ایلدی . ایکسی رومانده ، ایکسی جرمن اولمق اوزره بو مختلف درت شهری محل اجتماع انتخاب ایتمکدن مقصد ، قانونک احضاری مساعیسنه فضلہ علنیت بخش ایتک ایدی . بویوک قومیسونک عقد ایلدیکی مختلف جلساتده اتحق مسائل مختلفه نک روح و اساسلری مناقشه اولندی . بعده تثبیت ایدیلان اساسات دأرہ سندہ متون قانونیه بی قلمه آلمق اوزره حکومت متحده اعضاسندن موسیو Brenner تحت ریاستنده و آلف الذکر موسیو هو بر ایله دیکرالتی ذاندن مرکب بر قومیسون تشکیل اولندی . بو قومیسونک تثبیت ایتدیکی پروژه ، متحد حکومت مجلسنک تصویبنه اقتران ایدرک ۲۸ مایس ۱۹۰۴ تاریخنده هیئت متحده مجلسنه تودیع ایلدی .

قانون مدینک پارلامتوده مذاکره سندہ تعقیب اولنان اصوله کانجه ، بر قانونک مذاکره سی ایچون علی العاده تطبیق اولنان اصوله اتباع ایدیله میوب مبعونلرک قانونک هر ماده سی حقنده بیان مطالعه و تعدیل تکلیفنده بولمق حقلمی فدا ایتلمی ضروری کورولدی . زیرا بویله معظم بر قانونک بتون قسملری بر برینه مربوط و منسجم اولدیغندن هر هانکی بر ماده سنک تعدیلی ، قانونک آهنگ و وحدتی اخلال ایده بیلیردی . فی الحقیقه قانونک مختلف احکامی معین بعض اصلاره استناد ایدر و بو اصلارده بر برینه مربوط و عینی اساسی عمده یه مستنددر . بوسیلله بر قانونک هیئت عمومیه سی منتظم بر کل تشکیل ایدر . بناء علیه قانونک ولو فرعی اولان بر حکمکی تعدیله قالمشقی ، آنک استناد ایتدیکی عمده یی ییقمق دینک اولورکه بو صورتله چیقه جق قانونک بر چوق تضادلرله مالی اوله جغه و قانونک غایه وضعی عقیم قاله جغه شبه یوقدر .

ایشته عینی ملاحظه یه بناء درکه فرانسه ده ۱۸۰۴ قانون مدینسنک هیئت تشریعی یه

حین تودیعنده هر درلو مناقشه منع ایدیلرک هیئت مذکور، شورای دولته (تریونا) نك خطیلرینی استماع ایتدکدن صکره قانونك هیئت عمومیه سی قبول و یارده دعوت ایدلشیدی. اسپانیانك ۱۸۸۸ قانون مدینسک سرعاً تأمین تصدیق ایچون بوکا بمائل بر طریق اختیار اولمشدر.

اسپانیا عدلیه ناظری، قورتر مجلسه معین و محدود، اساسی بعضی عمده لری مناقشه و تصدیقه اکتفا ایدرک بو عمده لره مستنداً قانون مدینك تدوینی خصوصنده حکومت صلاحیت اعطاسی تکلیف ایتش و قورتر مجلسی بوتکلیفی قبول ایدرک اسپانیا قانون مدینسک استناد ایده چکی یکریمی یدی اساسی عمده بی مبین بر قانون وضع ایلشدر.

آلمان قانون مدینسک سرعتله تأمین تصدیق ایچونده بالائتلاف خصوصی برطرز مذاکره تطبیق اولمشدر. شویله که مختلف پارتیلر، قانون مدنی حقنده کی مناقشاتك سیاسی واجتماعی بعض نقاط مهمه حصرنده ائتلاف ایتدکدن صکره رایخشتاغ مجلسی، بتون فرقه لرك مثللرندن متشکل بر قومیسون وجوده کتیردی. بر قومیسونك تصدیق ایتدیکی پروژهك رایخشتاغ مجلسنده ماده بماده مذاکره سی جهته کیدیلرک بالکنز اجتماعی و سیاسی ماهیق حائز مهم بش اون مسئله حقنده مناقشه جریان ایتدکدن صکره قانونك هیئت عمومیه سی بعض اهمیتسز و پك آز تعدیلات ایله قبول اولندی.

اسویجره قانون مدینسک مذاکره سنده دخی بوکا یقین بر اصول اختیار اولندی. اک مهم مناقشات، مختلف اجتماعی و سیاسی مسالکه و مملکتك مختلف برلینه منسوب مبعوثلردن متشکل انجمنلرده اجرا ایدلدی و ذاتاً اهمیتسز بعض نقطه لره منحصر قالان تعدیلاتك کافه سی انجمنلرده یاپلیدی، بو سببله قانون هیئت عمومیه ده سرعتله مذاکره و قبول اولنه بیلیدی، شویله که؛ بری فرانسر دیکری آلمان لسانلریله متکلم اولمق اوزره تعیین ایدیلان ایکی راپورتور هر فصل حقنده او فصلك هیئت عمومیه سنه و یاپلان تعدیلاته عائد اسباب موجب بی شرح ایتدکدن و انجمنلره داخل اولیان مبعوثلرک ملاحظاتی استماع ایدلدکدن صکره فصلك هیئت عمومیه سی آرایه وضع اولنوردی. اساساً هیئت عمومیه ده وقوعبولان مناقشات پك محدود و مهم بعض مسأله منحصر قالمشدر. کوریلور که اسویجره ده تشریح مجلسلری، عمومی قانون مدینك تدوینی مسئله سک اهمیت و عظمی قارشوسنده هر درلو لسان، مدنیت، عرق و دین فرقلرینی تماماً اونوده رق بیوک بر حسن نیت و متقابل مساعده کاراق ابرازی صورتیله، آره لرنده صلاح و صلاح اجتماعی تأمین

وملی وحدت لرینی ترصین ایدن معظم بر قانونی آز بر زمانده چیقارمغه موفق اولشلردو .
حکومت ملیه منزهده قانون مدنیزه هم وحدت و آهنیکسی محافظه به همده سرعتله تأمین
تصدیقده مدار اولمق اوزره تکلیف ایندیکی اصول مذا کره نک بیوک ملت مجلسی طرفندن
قبول ایدلمسی نتیجه سی اوله رق بوکون مدنی و اجتماعی حیاسنمده مهم بر انقلاب تولید
ایده جک ماهیتده بولنان یکی بر قانون مدنی به مالک بولنیورز .
دارالفنون روما حقوق و مقایسه لی حقوق مدنیه مدرسی

میشون ونطوره

